



29.07.2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

1.

**Nuna tamakkerlugu aviisit tapiissutisinissaannut piumasaqaatini amigartoorsimanissap piumasaqaataanginneranik Naalakkersuisut erseqqaarissumik up-
pernarsaanissaat qinnutigaara.**

2.

**Suli ersernerluppoq tusagassiutit pisortanit tapiissutisartut tassa kiffaanngisusiiagaasimasuunersut imaluunniit killiligaanani oqaaseqarsinnaatitaanermik-
kut killiligaasimanersut. Naalakkersuisut tusagassiutit tapiissutisartut kille-
qartinneqassasut isumaqarpat? Apeqqut aappimik naamimilluunniit taamaallaat
akeqquneqarpoq.**

3.

**Soorunami piffissaliussat eqquutsinneqarnissaannik Naalakkersuisut pingartit-
sinerat tapersersornarpoq. 2013-imili Naalakkersuisut atuutilerneranniit piffis-
saliussamut kingusinaartunik allanik akuerinnittoqarsimava? Uani pisortat ta-
piissutaat suulluunniit eqqarsaatigineqarput?**

((Inatsisartuni ilaasorta q Naaja H. Nathanielsen, Inuit Ataqatigiit))

Tungavilersuut

25. juli §37 naapertorlugu aviisinut tapiissutinut tunngatillugu apeqquteqaatinnut (nr. 154) akissutisivunga. Ajoraluartumilli apeqqutikka arlallit akineqarsimangillat, taamaatumillu nassiuteqqippakka.

Apeqqutit suli aningaasaqarnermut inatsimmi konto 10.06.24-mnut tunngasuupput (nuna tamakkerlugu aviisinut saqqummersartunut tapiissutit) ¹

Ullut suliffiusut qulit qaangiutinnginnerini apeqqutit tamakkerlutik akineqarnissaat qinnutigaara.

1

<http://naalakkersuisut.gl/~media/Nanoq/Files/Attached%20Files/Finans/DK/Finanslov/2014/Finanslov%202014%20DK.pdf>, qupperneq 137

<http://naalakkersuisut.gl/~media/Nanoq/Files/Attached%20Files/Finans/GL/Finanslov/Finanslov%202014%20KAL.pdf>, qupperneq 153